

第三五七冊

明倫彙編

氏族典

和姓部

羅姓部

柯戈過

蛾娥軻

鵝渦河

它曷

麻花查

車家余

牙嘉衙

茶郎加

楊姓部

陽揚姓部

楊姓部

(卷)

三七三六

三七三九

阿姓部

多那彦慶

禾挈苛佗

波姓歌郎諸姓部

沙姓部

蛇姓部

巴瑕杷夸

奢畚姓


三三

三三

三五三〇

古今圖書集成

中華書局影印



古今圖書集成

中華書局影印

欽定古今圖書集成明倫彙編氏族典
第二百十六卷目錄

和姓部彙考

鄭樵通志以名爲氏

凌迪知萬姓統譜和姓

和姓部列傳

陶唐氏

和仲

周

和祖父

漢

和武

和浮

魏

和洽

和適

晉

和嶠

和濟

北魏

和跋

和歸

和度

和安

北齊

和士開

隋

和洪

唐

和逢堯

後晉

和凝

宋

和峴

和嶧

和嶧

和玘

和玘

和玘

和玘

和玘

和玘

和玘

和玘

和玘

和玘

和玘

和玘

和玘

和玘

和玘

和玘

和玘

氏族典第二百十六卷

和姓部彙考

鄭樵通志以名爲氏 古人名

和氏義和堯時掌天地之官和仲和叔因以爲氏晉

有和祖父漢有和武又後魏有素和氏改爲和氏五

代有侍中和凝宋太平登科有和蒙咸平有和郁

臣謹按堯舜二典所命之官如皋夔益稷之類皆

以名稱和以名爲氏仲叔又其長幼之稱也

凌迪知萬姓統譜

和姓

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和汝南商音

和姓部列傳

陶唐氏

和仲

按書經虞書堯典分命和仲宅西曰昧谷寅饒納日

平扶西成皆中星虛以殷仲秋厥民夷鳥獸毛毳

和叔

按書經虞書堯典申命和叔宅朔方曰幽都平在朔

易日短星昴以正仲冬厥民隩鳥獸氄毛

周

和組父

按鄭樵通志晉有和組父

漢

和武

按萬姓統譜武將軍

和旻

按萬姓統譜旻北平太守

和浮

按萬姓統譜浮上祿長上言黨人禁網及五族有乖典訓帝從之

魏

和洽

按魏志和洽傳洽字陽士汝南西平人也舉孝廉大將軍辟皆不就袁紹在冀州遣使迎汝南士大夫洽獨與親舊南從劉表表以上客待之太祖定荊州辟為丞相掾屬魏國既建為侍中出為郎中令文帝踐阼為光祿勳封安城亭侯明帝即位進封西陵鄉侯太和中轉為太常清貧守約至賣田宅以自給明帝聞之加賜穀帛薨諡曰簡侯子禽嗣

和演

按萬姓統譜演陽平太守

和適

按魏志和洽傳洽子適才爽開濟官至廷尉吏部尚書

和適

按晉書和嶠傳嶠父適魏吏部尚書按適疑卽是適之並存

晉

和嶠

按晉書和嶠傳嶠字長輿汝南西平人也少有風格有盛名於世朝野許其能整風俗理人倫襲父爵上蔡伯起家太子舍人累遷潁川太守為政清簡甚得百姓歡心賈充重之稱於武帝入為給事黃門侍郎遷尚書令吳平以參謀議功轉侍中太康末為尚書以母憂去職及惠帝即位拜太子太傅加散騎常侍光祿大夫元康二年卒贈金紫光祿大夫加金章紫綬本位如前永平初策諡曰簡嶠家產豐富擬於王者然性至吝以是獲譏於世杜預以為嶠有錢癖以弟郁子濟嗣

和郁

按晉書和嶠傳嶠為尚書令吳平以參謀議功賜弟郁爵汝南亭侯郁字仲興才望不及嶠而以清幹稱歷尚書左右僕射中書令尚書令洛陽傾沒奔於苟晞疾卒

和濟

按晉書和嶠傳嶠弟郁郁子濟位至中書郎

和苞

按晉書劉曜載記論和苞獻直鄭明罷觀注曜命起鄭明觀和苞諫止

北魏

和跋

按魏書和跋傳跋代人也世領部落為國附臣跋以才辯知名太祖擢為外朝大人參軍國大謀雅有智筭頻使稱旨拜龍驤將軍未幾賜爵日南公從平中

原以功進為尚書鎮鄴改封定陵公出為平原太守時群臣皆敦尚恭儉而跋好修虛譽炫耀於時性尤奢淫太祖戒之弗革後車駕北狩豺山收跋刑之路側妻劉氏自殺以從

和其奴

按魏書和其奴傳其奴代人也少有操行善射御初為三郎轉羽林中郎以恭勤致稱賜爵東陽子除奮武將軍高祖初遷尚書加散騎常侍進爵平昌公拜安南將軍遷尚書左僕射太安元年與河東王閭毗太宰常英等並平尚書事在官慎法不受私請和平六年遷司空加侍中皇興元年長安鎮將軍平王道符反詔其奴領征西大將軍討之未至而道符敗軍還三年薨贈平昌王諡曰宣

和歸

按魏書和跋傳跋子歸從征赫連昌有功拜統萬將軍賜爵成單男進爵高陽侯後以罪徙配涼州為民蓋吳作亂於關中復拜歸龍驤將軍往討之還拜使持節冠軍將軍雍城鎮都大將高陽侯卒

和天受

按魏書和其奴傳其奴薨子天受襲爵初為內行令太和六年遷督庫曹下大夫卒

和度

按魏書和跋傳跋子歸高陽侯卒子度襲爵尚書都官郎昌平太守卒

和延穆

按魏書和跋傳度子延穆司州部郡從事早卒

和安

按魏書和跋傳延穆子安武定末給事黃門侍郎

北齊

和士開

按北齊書和士開傳士開字彥通清都臨漳人也其先西域商胡本姓素和氏士開幼而聰惠選爲國子學生解悟健疾爲同業所尚天保初世祖封長廣王辟士開開府參軍傾巧便僻因此親狎顯祖知其輕薄不令王與小人相親善責其戲狎過度徙長城後除京畿士曹參軍世祖踐阼累除侍中加開府遺母劉氏憂帝聞而悲惋遣武衛將軍呂芬詣宅晝夜扶持成服後方還其日帝又遣以饋車迎士開入內帝見曉喻良久然後遣還并諸弟四人並起復本官除右僕射帝先患氣因飲酒輒大發動士開每諫不從屬世祖寢疾士開入侍醫藥世祖謂士開有伊霍之才殷勤屬以後事又先得幸於胡太后是以彌見親密趙郡王叡與婁定遠等謀出士開屬太后賜朝貴於前殿叡面陳士開罪失太后及後主召問士開士開曰先帝羣官之中待臣最重陛下諒開始爾大臣皆有覬覦心若出臣正是翦陛下羽翼宜謂叡等云令士開爲州待過山陵然後發遣叡等謂臣真出必心喜之後主及太后然之告叡等如士開旨以士開爲兗州刺史山陵畢叡等促士開就路士開載美女珠簾及條諸寶玩以詣定遠謝曰諸貴欲殺士開蒙王特賜性命用作方伯今欲奉別謹具上二女子一珠簾定遠喜謂士開曰欲得還入不士開曰在內久常不自安今得出實稱本意不願更入但乞王保護長作大州刺史今日遠出願得一辭觀二宮定遠許

之士開由是得見太后及後主進說帝及太后出定遠青州刺史責趙郡王叡以不臣之罪召入而殺之

復除士開侍中右僕射定遠歸士開所遺加以餘珍賂之武平元年封淮陽王除尚書令錄尚書事復本官世祖時恆令士開與太后握槊又出入臥內逐獵

太后爲亂及世祖崩後彌自放恣琅邪王儼惡之與領軍庫狄伏連侍中馮子琮御史王季武衛高舍洛等謀誅之伏連發京畿軍士帖神武于秋門外并私約束不聽士開入殿其年七月二十五日且士開

依式早參伏連前把士開手曰今有一大好事王子宜便授一函云有勅令王向臺遣兵士防逐禁於治書侍御廳事儼遣都督馮永洛就臺斬之時年四十八簿錄其家口後誅儼等上哀悼不視事數日追憶

不已詔起復其子道盛爲常侍又勅其弟士伾入內省參典機密詔贈士開假黃鉞十州諸軍事左丞相

太宰如故士開稟性庸鄙不閱書籍發言吐論惟以諂媚自資云

隋

和洪

按隋書和洪傳洪汝南人也少有武力勇烈過人周武帝時數從征伐以戰功累遷車騎大將軍儀同三司時龍州蠻任公忻李國立等聚衆爲亂刺史獨孤

善不能禦朝議以洪有武略代善爲刺史月餘擒公忻國立皆斬首梟之餘黨悉平從帝平齊進位上儀

同賜爵北平侯拜左勳曹下大夫柱國王軌之擒吳明徹也洪有功焉加位開府遷折衝中大夫尉迥作

亂相州以洪爲行軍總管從韋孝寬擊之及平相州

明倫彙編氏族典第二百十六卷和姓部

拜柱國封廣武郡公高祖以洪有威名令領冀州事甚得人和數歲徵入朝爲清渠總管監轉拜泗州刺史屬突厥寇邊詔洪爲北道行軍總管擊走而還後

遷徐州總管卒時年六十四

唐

和達堯

按唐書趙彥昭傳和達堯岐州岐山人武后時負鼎詣闕下上書自言願助天子和臣百度有司讓曰今

天子聖明百司以和尙何所謂達堯不能答流莊州

十餘年乃舉進士高第累擢監察御史突厥獻獸請

尚公主達堯以御史中丞攝鴻臚卿報可擢戶部侍郎坐善太平公主斥朗州司馬終柘州刺史

後晉

和凝

按五代史和凝傳凝字成績鄆州須昌人也父矩性嗜酒不拘小節然獨好禮文士每傾資以交之以故

凝得與之游而凝幼聰敏形神秀發舉進士梁義成

軍節度使賀瓌辟爲從事瓌與唐莊宗戰于胡柳瓌

戰敗脫身走獨凝隨之一騎追瓌幾及凝引弓射殺

之瓌由此得免因妻之以女天成中拜殿中侍御史

累遷主客員外郎知制誥翰林學士知貢舉所取皆

一時之秀稱爲得人嘗初拜端明殿學士兼判度支

爲翰林學士承旨天福五年拜中書侍郎同中書門

下平章事出帝即位加右僕射歲餘罷平章事遷左

僕射漢高祖時拜太子太傅封魯國公顯德二年卒

年五十八贈侍中凝好飾車服爲文章以多爲富有

集百餘卷嘗自鑲板以行于世

第三五七冊 之〇二葉

宋

和峴

按宋史和峴傳峴字晦仁開封浚儀人父凝峴生之年適會疑人翰林加金紫知貢舉凝喜曰我平生美事三者併集此子因名之曰三榮七歲以門蔭爲左千牛備身遷著作佐郎漢乾祐初加朝散階十六登朝爲著作郎丁父憂服闋拜太常丞建隆初授太常博士從祀南郊贊導乘輿進退閑雅太祖謂近侍曰此誰氏之子熟於贊相左右即以峴門閥對俄拜刑部員外郎兼博士仍判太常寺乾德三年春初克夔州以內衣庫使李光睿權知州峴通判州事代還開寶初遷司勳員外郎權知泗州判吏部南曹歷夔晉二州通判九年江南平受詔採訪太宗即位遷主客郎中太平興國二年知兗州改京東轉運使峴性苛刻鄙吝好殖財復輕侮人嘗以官船載私貨販易規利初爲判官鄒同度論奏旣而彰信軍節度劉遇亦上言按得實坐削籍配隸汝州六年起爲太常丞分司西京復階勳章服端拱初上躬耕藉田峴奉畱司賀表至闕下因以其所著常集秘閣集注釋武成王廟贊奏御上甚嘉之復授主客郎中判太常寺兼禮儀院事是秋得暴疾卒年五十六

和嶠

按宋史和峴傳峴弟嶠字顯仁凝第四子也太平興國八年擢進士第釋褐霍丘主簿雍熙初知崇仁縣就拜大理評事江南轉運楊緘以其材幹奏移知南昌縣代還刑部取爲詳覆官遷光祿寺丞召試中書擢爲太子中允命直史館淳化初嶠撰七勝題名記

并補著疑所撰古今孝悌集成十卷以獻遂以本官直集賢院三年遷右正言是歲太宗親試貢士嶠預考校作歌以獻稱上旨遂以本官知制誥不踰年加水部員外郎知理檢院至道元年賜金紫與王旦同判吏部銓是秋晨起將朝風眩暴作而卒年四十五

和嶠

按宋史和峴傳峴弟嶠始爲三班奉職淳化中獻文求試上以故相之後改授大理評事

和珙

按宋史和峴傳峴弟嶠子珙授大理評事

和敬

按宋史和峴傳峴弟嶠子敬補太廟齋郎

和斌

按宋史和斌傳斌字勝之濮州鄆城人選隸散直爲德順軍指揮使擢文思副使權廣西鈐轄改秦鳳廣西以蠻事乞留秦州亦請之詔留廣西累歲徙涇原進帶御器械渭州饑帥王廣淵命吏賑給斌曰救之無術是殺之耳廣淵以委斌斌擇地營居養視有法所活以萬數安南入寇復徙廣西累遷皇城使昭州刺史以榮州團練使知宜州遷西上閣門使知邕州以老請還除高陽關副總管歷永興軍路召拜龍神衛四廂都指揮至步軍都虞候卒年八十

和說

按宋史和斌傳斌子說以蔭爲河北副將累官至右武大夫威州刺史知雄州上制勝強遠弓式能破堅於三百步外邊人號爲鳳凰弓進相州觀察使在雄十年頗能儉重貫攻燕召說計事悅之分麾下兵

俾以副統制從种師道軍于白溝旬有二日而退追兵至北風大雨電師不能視契丹以背盟譴責薄暮始得還於是貫以契丹尚盛未可圖勅說視候不實貶濠州團練副使筠州安置後復官卒

金

和安禮

按萬姓統譜安禮泰安州刺史貞祐初山東被兵或勸其遁去安禮曰我去城誰與守豈可避難負國恩乎元兵至戰旬日城陷竟不屈而死

和元恕

按萬姓統譜元恕西平縣尹勸農興學折節好賢不爲表暴民有訟不加鞭扑惟諭以曲直人知改悔在任五年公無負租蝗不入境

元

和裕

按萬姓統譜裕字仲寬廣平人大德間以孝廉舉任彭澤縣尉追石振遺事建六角亭於讀書巖前教子姓讀書其中至今觀者猶景慕云

和孝中

按山西通志孝中長子人性至孝貧甚力穡供甘旨父沒廬于墓三年幾廢櫛沐形稿髮脫人多憐之至正間旌爲孝子

明

和文

按山西通志文字希文平定人達於學履行甚高洪武初以通經儒士舉除刑部郎中蒞職勤能歷太子贊善致仕詔賜宴賞命諸王公卿賦詩爲餞有司護

送還鄉

和男

按名山藏勳封記靖安伯和男和寧王阿魯台孫父阿卜只俺授左都督勇以父故爲錦衣指揮使正統十四年以紫荆關功歷陞都督僉事天順元年進同知五年以遊擊將軍征廣蠻成化元年再征有功陞左都督加祿歲百石以潯州獲叛會斬首功多封伯流祿千一百石十年卒予諡子忠自歷戰功爲錦衣指揮僉事得世

和豫

按萬姓統譜豫平定人舉人

和鸞

按萬姓統譜鸞字廷瑞山西平定人由舉人成化十一年任徐州知州性梗介以廉慎自持以儉約臨民不阿上不虐下在治八年深得民心陞湖廣襄陽府知府

和鵬

按萬姓統譜鵬字大舉山西人成化丁未進士鵬性質堅凝不好物累勞身率下如建學校葺廳宇取材聚斲皆躬爲處畫故民不令而自勸廉潔出於天性不假矯飾後以母喪去任至鬻衣以資行人多憐之官至食事

和璋

按萬姓統譜璋山東人成化進士

和珣

按新泰縣志珣成化歲貢

和璘

按新泰縣志璘弘治歲貢珣弟元謀縣丞

和承芳

按山西通志承芳平定人有孝行舉弘治鄉試歷任唐山知縣趙府審理以外艱還籍斬衰竹杖徒行千里居喪哀毀環堵蕭然制終不起世稱爲真孝廉云

和俊

按朝城縣志俊河南獲嘉人正德間任教諭以憂去

和格

按往平縣志格內丘舉人嘉靖四十四年任知縣

和登泰

按丘縣志登泰字魯詹選貢由宿州訓導陞餘干知縣以觀告歸圖書之外一無長物

和登雲

按丘縣志登雲萬曆戊子科舉人善雄辨有偉略義方訓子姪科貢繼起其所誘也

和震

按萬姓統譜震祥符人萬曆進士

和儀

按新泰縣志儀萬曆間大使

和蘊敬

按山西通志蘊敬平定人生員萬曆年歲荒輸粟二百石又施地二畝爲義塚同庠生李采亦捐義地二畝五分蒙恩詔受儒官

和有禮

按丘縣志有禮字範六餘子令登泰長子以明經考縣丞不就遂以講學爲事戊寅大兵陷城義不苟存冠服坐遂罹禍

和有儀

按丘縣志有儀餘子令登泰次子由選貢領天啓甲子鄉薦事兩繼母以孝聞族有貧不能婚葬者咸贖之累上公車不第登考知縣未任卒

和瑜

按新泰縣志瑜天啓辛酉歲貢軍城教諭

和俊

按新泰縣志俊潯縣典史

和光前

按丘縣志光前吏目

欽定古今圖書集成明倫彙編氏族典

第二百一十七卷目錄

羅姓部彙考

鄭樵通志以國為氏

同名異實

廖用賢尚友錄

羅姓

羅姓部列傳一

漢

羅懷

羅良

後漢

羅衍

羅蒙

羅式

晉

羅惠

羅尚

羅冀

羅彥

羅綬

羅合

羅企生

羅友

羅可

梁

羅研

北魏

羅結

羅斤

羅敦

羅拔

羅提

羅彌

羅伊利

羅道生

羅雲

羅阿奴

羅延

羅蓋

羅殺鬼

羅鑒



羅衡

羅念

羅道珍

唐

羅藝

羅士信

羅道琮

羅通微

羅希夷

羅思遠

羅珣

羅立言

羅讓

羅弘信

羅隱

羅鄴

羅虬

羅向

後梁

羅紹威

羅廷規

羅周翰

後唐

羅周敬

宋

羅彥瓊

羅濟

羅承之

羅處約

羅居通

羅或

羅拯

羅尚友

羅孟郊

羅道成

羅彥輔

羅崎

羅希古

羅祝

羅善同

羅汝楫

羅薦可

羅昇

羅晏

羅戢

羅從彥

羅志冲

羅茂衡

羅孝芬

羅適

羅復

羅克先

羅義明

羅烈

羅長康

羅泌

羅博文

羅之紀

羅願

羅點

羅知古

羅必元

羅守成

羅天酉

羅開禮

羅郭佐

羅震

羅奇

羅元珪

氏族典第二百一十七卷

羅姓部彙考

鄭樵通志

以國為氏 同名異實

羅氏子爵熊姓一日祝融之後姪姓初封宜城徙枝江為楚所滅周末居長沙漢有梁相羅懷襄陽記有羅蒙又郟公德傳賜姓李氏又叱羅氏改為羅氏五代有羅紹威望出豫章長沙

同名異實

羅氏有二姑姓之後以國爲氏又有叱羅氏改爲羅氏

廖用賢尚友錄

羅姓

羅豫章徵音又呈出長沙

羅姓部列傳一

漢

羅懷

按鄭樵通志漢有梁相羅懷

羅哀

按漢書貨殖傳成哀間成都羅哀貲至鉅萬初哀買京師隨身數十百萬往來巴蜀數年間致千餘萬舉其半賂定陵侯依其權力賒貸郡國人莫敢負擅鹽井之利期年所得自倍遂殖其貨

後漢

羅衍

按萬姓統譜衍成都人公孫述據蜀衍說述尚書解文卿鄭文伯諫歸漢爲子孫福解鄭從之述怒閉二子于簿室二子守志不回遂幽死

羅蒙

按晉書羅憲傳憲父蒙蜀廣漢太守

羅式

按晉書羅憲傳憲兄式梓潼太守

晉

羅憲

按晉書羅憲傳憲字令則襄陽人仕蜀爲太子舍人宣信校尉時黃皓預政衆多附之憲獨介然皓患之左遷巴東太守魏之伐蜀憲守永安城知劉禪降率所統臨于都亭三日繕甲完聚厲以節義士皆用命及鍾會鄧艾死吳使步協西征憲大破其軍孫休怒又遣陸抗助協憲距守經年會荊州刺史胡烈等救之抗退加陵江將軍監巴東軍事使持節領武陵太守泰始初入朝六年卒贈使持節安南將軍武陵太守追封西鄂侯諡曰烈

羅尚

按晉書羅憲傳憲兄子尚字敬之一名仲少孤依叔父憲太康末爲梁州刺史及趙廋反于蜀假尚節爲平西將軍益州刺史時李特亦起于蜀攻殺趙廋又攻尚於成都尚使兵曹從事任銳爲降因大破之斬李特特子雄僭號都於郾城尚遣將軍隗伯攻之不尅俄而尚卒雄遂據有蜀土

羅彥

按晉書羅憲傳憲子彥歷給事中陵江將軍統其父部曲至廣漢太守

羅彥

按晉書羅含傳含曾祖彥臨海太守

羅綬

按晉書羅含傳含父綬榮陽太守

羅含

按晉書羅含傳含字君章桂陽耒陽人幼孤爲叔母

朱氏所養少有志尚晝臥夢一鳥文彩異常飛入口中因起驚說之朱氏曰鳥有文彩汝後必有文章自此後藻思日新弱冠州三辟不就楊羨爲合州引含爲主簿後爲郡功曹刺史庾亮以爲部江夏從事太守謝尚與含爲方外之好轉州主簿後桓溫臨州又補征西參軍溫嘗使含詣尚有所檢劾含至不問郡事與尚累日酣飲而還轉州別駕徵爲尚書郎溫雅重其才又表轉征西戶曹參軍俄遷宜都太守及溫封南郡公引含爲郎中令尋徵正員郎累遷散騎常侍侍中仍轉廷尉長沙相年老致仕加中散大夫年七十七卒

羅企生

按晉書羅企生傳企生字宗伯豫章人也多才藝初拜佐著作郎以家貧親老求補臨汝令刺史王凝之請爲別駕殷仲堪之鎮江陵引爲功曹累遷武陵太守未之郡而桓元攻仲堪仲堪更以企生爲諮議參軍仲堪多疑少決企生深憂之謂弟遵生曰殷侯仁而無斷事必無成敗天也吾當死生以之仲堪果走文武無送者雖企生從需路經家門遵生曰作如此分離何可不執手企生廻馬授手遵生有勇力便牽下之仲堪見企生無脫理策馬而去元至荊州人士無不詣者企生獨不往而管理仲堪家元大怒遂害之時年三十七先是元以羔裘遺企生母胡氏及企生遇害即日焚裘

羅友

按尚友錄友襄陽人少有志氣博學能文會有得郡者桓溫集僚佐餞之友後至溫問之友曰中路逢鬼

擲揄云只見汝送人作郡不見人送汝作郡溫表為襄陽太守友初從桓溫平蜀按行蜀城關觀宇內外道陌廣狹植種果木多少皆默記之後溫與簡文策共道蜀中事有所遺忘友皆名列會無遺錯友性嗜酒嘗其所遇不擇士庶又好伺人祀往乞餘食雖復督署墟肆不以爲羞桓溫嘗責之云君大不逮須食何不就身求友傲然不屑答曰就公乞食今乃可得明日已復無溫大笑

羅可

按尚友錄可性度寬弘嘗有竊刈其園蔬者適遇見却避草間又有攘殺其雞者可搆壺就之呼其妻孥環坐盡醉而歸由是相誡無犯

梁

羅研

按南史鄧元起傳羅研字深微少有材辨元起平蜀辟爲主簿後爲信安令鄧陽忠烈王恢臨蜀請爲別駕齊荀兒之後臨汝侯嘲之曰卿蜀人樂禍貪亂一至於此對曰蜀川積弊實非一朝百家爲村不過數家有食窮迫之人什有八九束縛之吏旬有三三貪亂樂禍無足多怪若家畜五母之雞二母之豕牀上有百錢布被甑有數升麥飯雖蘇張巧說於前韓白按劍於後將不能使一夫爲盜况貪亂乎大通二年爲散騎侍郎嗣王範復以爲別駕數年卒

北魏

羅結

按魏書羅結傳結代人也其先世領部落爲國附臣劉顯之謀逆也太祖去之結與衛鑾與從辛賀蘭部

後以功賜爵屈蛇侯太宗時除持節散騎常侍寧南將軍河內鎮將世祖初遷侍中外都大官總三十六曹事年一百七歲精爽不衰世祖以其忠愍甚見信待監典後宮出入臥內因除長信卿年一百一十詔聽歸老賜大甯東川以爲居業并爲築城即號曰羅侯城年一百二十歲卒贈寧東將軍幽州刺史諡曰貞

羅斤

按魏書羅結傳結子斤太宗時爲侍御中散後從世祖討赫連昌世祖追奔入城昌邀擊左右多死斤力戰有功世祖嘉之後錄勳除散騎常侍侍中四部尚書又加平西將軍後平涼州攻城野戰多有克捷以功賜爵帶方公除長安鎮都大將會蠕蠕侵境馳驛徵還除柔元鎮都大將後以本將軍開府爲長安鎮都大將卒贈本將軍雍州刺史諡曰靜

羅敦

按魏書羅結傳斤爵帶方公卒子敦襲爵有姿貌善舉止自太子洗馬稍遷散騎常侍庫部尚書卒贈安東將軍幽州刺史諡曰恭

羅拔

按魏書羅結傳敦弟拔歷殿中尚書賜爵濟南公高祖時進爵爲王除征西將軍吏部尚書改封趙郡王後例降爲公卒贈寧東將軍定州刺史諡曰康

羅提

按魏書羅結傳結從子渥渥子提並歷顯提從世祖討赫連昌有功賜昌女爲妻

羅彌

按魏書羅結傳結宗人彌善射有膂力世祖時爲軍將數從征伐有功官至范陽太守卒贈幽州刺史

羅伊利

按魏書羅結傳結子斤子敦敦子伊利高宗時襲爵除內行長以沉密小心恭勤不怠領御食羽獵諸曹事稍遷散騎常侍儀曹尚書出爲安東將軍兗州刺史善撫導在州數年邊民歸之五千餘戶高祖時蠕蠕來寇詔伊利追擊之不及而反後依例降爲侯除司農卿光祿大夫卒世宗初贈征北將軍燕州刺史諡曰靜

羅道生

按魏書羅結傳結子斤子拔拔子道生肆州安北府外兵參軍卒

羅雲

按魏書羅結傳結宗人渥渥子提提子雲早有名位顯祖時給事中西征勅勒爲賊所襲殺

羅阿奴

按魏書羅結傳結子斤子敦敦子伊利伊利于阿奴亦忠實寡言有智度以勳臣之子除侍御中散襲爵稍遷中散大夫卒

羅延

按魏書羅結傳結子斤子拔拔子道生道生子延天興中驃騎將軍左光祿大夫

羅蓋

按魏書羅結傳結宗人渥渥子提提子雲雲子蓋世宗時右將軍直閣將軍轉龍驤將軍濟州刺史卒贈本將軍兗州刺史

羅殺鬼

按魏書羅結傳結于斤斤子敦敦子伊利伊利子阿奴阿奴子殺鬼武泰中驍騎將軍南青州刺史

羅鑒

按魏書羅結傳結宗人渥渥子提提子雲雲子蓋蓋長子鑒鑒遷冠軍將軍岐州刺史入除散騎常侍金紫光祿大夫主衣都統卒贈侍中都督冀定瀛三州諸軍事尚書右僕射司空公衛將軍冀州刺史以孝靜外戚故也

羅衡

按魏書羅結傳鑒弟衡衡遷天水樂陵二郡太守輔國將軍光州刺史

羅念

按魏書羅結傳結宗人彌彌孫念字子懷武定中驍騎將軍膠州刺史

羅道珍

按魏書江悅之傳襄陽羅道珍除齊州東平原原有治稱卒於鎮遠將軍屯騎校尉

唐

羅藝

按唐書羅藝傳藝字子延襄州襄陽人家京兆之雲陽父榮隋監門將軍藝剛愎不仁勇攻戰善用槊大業中以戰力補虎賁郎將遼東之役李景以武衛大將軍督饒北平詔藝以兵屬分部嚴一然任氣嘗慢侮景頗為景辱天下盜起涿郡號富饒伐遼兵仗多在而倉庫盈羨又臨朔宮多珍寶屯師且數萬苦盜賊侵掠留守將趙什住賀蘭誼晉文衍等不能支藝

捍寇數破卻之勇常冠軍為諸將忌畏藝陰自計因出師威動北邊藝自稱幽州總管武德二年奉表以地歸詔封燕王賜姓豫屬籍數與實建德載多所擒賊秦王擊劉黑闥高祖詔藝弟監門將軍壽以兵從藝自率衆數萬破劉什善張君立於徐河黑闥引突厥入寇藝復以兵與皇太子建成會洛州遂請入朝帝厚禮之拜左翊衛大將軍領天節軍將鎮涇州太宗即位進開府儀同三司藝圖反詭言閔武兵既集稱被密詔入朝軍至幽州趙慈昭出謁遂據州帝命長孫無忌尉遲敬德擊之未至慈昭與統軍楊岌謀誅藝藝覺執慈昭岌居外即攻之藝敗妻于從數百騎奔突厥抵寧州騎稍亡左右斬之傳首梟于都市壽時為利州都督亦及誅

羅士信

按唐書羅士信傳士信齊州歷城人隋大業時長白山賊王薄左才相孟讓攻齊郡通守張須陁率兵擊賊士信以執衣年十四短而悍請自効擊賊雖水上大破賊後須陁為李密所殺士信與裴仁基歸密署總管俾統所部討王世充身被重創見獲於世充世充愛其才厚遇之後得密將郛元具等故士信稍稍疏斥士信恥與伍率所部千餘人來降高祖拜陝州道行軍總管因謀世充賊平授絳州總管封郕國公從秦王擊劉黑闥洛水上得一城王君廓戍之賊急攻潰而出王語諸將能守此士信曰願以守乃命之士信已入賊悉衆攻方雨雪救軍不得進城陷黑闥欲用之不屈而死年二十八諡曰勇

羅道琮

按唐書羅道琮傳道琮蒲州虞鄉人慷慨尚節義貞觀末上書忤旨徙嶺表有同斥者死荆臺門臨終泣曰人生有死獨委骨異壤邪道琮曰吾若還終不使君獨留此瘞路左去歲餘遇赦歸會霖潦積水失其殯處道琮慟諸野波中忽若淦沸者道琮曰若屍在可再沸祝已水復湧乃得屍負之還鄉尋擢明經仕至太學博士為時名儒

羅通微

按尚友錄通微臨晉人少時採薪山中遇閭使君案謂曰子骨相嶢則可學長生遂冠褐於五老山學步虛絕粒唐貞觀中忽一日謂人曰我歸明日大會士庶萬人俄雷震地下青龍躍出通微踰之而登

羅希夷

按唐書古溫傳李林甫當國陰構大獄除不附己者先引溫居門下與錢瑋羅希夷為奔走椎鍛詔獄林甫死希夷出為始安太守溫既誅依希夷以居楊國忠奏遣蔣沈臨按希夷擅擅罪人貶海康員外尉俄遣使殺之

羅思遠

按唐書張果傳羅思遠能自隱帝學不肯盡其術試自隱常餘衣帶及思遠共試則驗厚賜金帛然卒不得帝怒奏以懷壓殺之數日有中使者自蜀還思思遠駕而西笑曰上為戲何慮也

羅珣

按唐書羅珣傳珣越州會稽人寶應初詣闕上書授太常寺太祝曹王阜領江西荆襄節度使常署幕府遷累副使召為奉天令擢廬州刺史淮南節度使杜

佑上治狀賜金紫服再遷京兆尹以老病求解徙太子賓客累封襄陽縣男卒諡曰夷

羅立言

按唐書王璠傳羅立言者宣州人貞元末擢進士魏博田弘正表佐其府改陽武令以治劇遷河陰加朝散大夫偃下傲上出具弓矢呵道宴賓客列倡優加大府人皆惡之改度支河陰留後坐平糶非實沒萬九千緡鹽鐵使惜其幹止奏削兼侍御史絳廬州刺史召爲司農少卿以財事鄭注亦與李訓厚善訓以京兆多吏卒擢爲少尹知府事以就其謀

羅謙

按唐書羅珣傳珣字景先以文學早有譽舉進士宏辭賢良方正皆高第爲咸陽尉父喪幾毀滅服除布衣糲飯不應辟署十餘年淮南節度使李鄴即所居敦請置幕府除監察御史位給事中累遷福建觀察使兼御史中丞有仁惠名人爲散騎常侍拜江西觀察使卒年七十一贈禮部尚書

羅弘信

按唐書羅弘信傳弘信字德孚魏州貴鄉人善騎射狀貌雄偉爲裨將主馬牧魏有巫告弘信曰白頭老人使謝君君當有是地文殫死衆遂立之詔擢知留後再遷節度使加檢校司空同中書門下平章事豫章郡公朱全忠討黃巢巢果三萬斛馬二百匹秦宗權亂復詔弘信以粟二萬斛助軍未輸檢校工部尚書雷鄴來責粟弘信素脇于牙軍擅殺鄴全忠以檄譴讓弘信不敢報大順初全忠討太原李克用遣將趙昌嗣兄弘信假糧馬又讓屯邢洛假道相衛弘信

不納全忠使丁會龐師古葛從周霍存等引萬騎度河弘信壁內黃凡五戰皆敗乃厚幣求和累遷檢校太師守侍中徙臨清郡王光化元年死年六十三贈太師追封北平王諡曰莊肅子紹威襲

羅隱

按尚友錄隱字昭諫錢塘人工詩尤長於詠史有湖南雜藥性傲倪少與桐廬章魯風齊名爲宰相鄭畋所重畋女覽隱詩諷誅不已畋疑有暮才意隱貌陋一日女窺見之遂絕口不誅錢鏐辟爲從事節度判官副使嘗說鏐討朱溫日縱不成功猶可退保杭越奈何交臂事賊爲千古之羞乎所著江南甲乙集等書令狐綯于瀉登第隱賀以詩綯謂瀉曰吾不喜汝登第喜汝得羅公詩耳

羅鄴

按尚友錄隱弟鄴詩中虎也光化中韋莊奏詞人才士時有遺賢不沾一命於聖朝徒作千年之恨骨如李賀陸龜蒙羅鄴方干賈島溫庭筠劉德仁皆有奇才伏望追賜進士及第贈補闕拾遺

羅虬

按尚友錄虬與鄴隱齊名號三羅李孝恭籍中紅兒有聲色虬請之歌不答虬怒拂衣而去詰旦爲絕句百篇號比紅兒

羅向

按尚友錄向廬州人少貧困常投福泉寺隨僧飯二十年間持節歸鄉書僧房云二十年來此布衣鹿鳴西上虎符歸故時賓從追前事到處松杉長舊園野老共遮官路拜沙鷗遙認隼旗飛春風一宿琉璃殿

惟有泉聲愜素機

後梁

羅紹威

按五代史羅紹威傳紹威字端己其先長沙人祖讓北遷爲魏州貴鄉人父弘信爲魏博節度使弘信死紹威立紹威好學工書頗知屬文聚書數萬卷開館以延四方之士弘信在唐以其先長沙人故封長沙郡王紹威襲父爵長沙紹威新立幽州劉仁恭以兵攻魏紹威求救於梁大敗燕軍紹威以故德梁助己紹威爲人精悍明敏通習吏事爲政有威嚴天祐二年牙校李公佐作亂紹威誅之乃間遣使告梁乞兵欲盡誅牙軍梁太祖爲遣李思安等攻滄州召兵於魏紹威因悉發魏兵以從獨牙軍在紹威于廷規娶梁女會梁女卒太祖陰遣客將馬嗣勳入魏詐爲助葬太祖以兵繼其後紹威夜以奴兵數百會嗣勳兵擊牙軍并其家屬盡殺之魏兵從攻滄州者行至歷亭聞之皆反魏境大亂數月太祖爲悉平之牙軍死魏兵悉叛紹威勢益孤太祖乃欲奪其地紹威始大悔昭宗東遷洛陽詔諸鎮繕理京師紹威營大廟成加拜守侍中進封鄴王太祖圍滄州未下歸過魏疾作臥府中紹威乘間入見曰今四方稱兵爲梁患者以唐在故也唐家天下命已去不如早自取之太祖大喜乃急歸太祖即位將都洛陽紹威取魏良材爲五鳳樓朝元前殿浮河而上立之京師太祖賜以寶帶名馬太祖每有大事多遣使者問之紹威時亦馳簡入白使者相遇道中其事往往相合紹威自以魏久不用兵願伐木爲船自河入洛歲漕穀百萬石以供

京師太祖益以紹威爲盡忠遺將程厚盧凝督其役舟未成而紹威病太祖命其子周翰監府事紹威仕梁累拜太師兼中書令卒年三十四贈尚書令諡曰貞壯

羅廷規

按五代史羅紹威傳紹威子廷規官至司農卿卒廷規娶梁太祖二女一曰安陽公主一曰金華公主

羅周翰

按五代史羅紹威傳紹威子周翰襲父位乾化二年八月爲楊師厚所逐徙爲宣義軍節度使卒於官年十四周翰娶宋帝女壽春公主

後唐

羅周敬

按五代史羅紹威傳紹威子周敬爲宣義軍節度使徙鎮忠武爲祕書監駙馬都尉光祿卿唐莊宗時爲左右金吾大將軍明宗以爲匡國軍節度使罷爲上將軍晉天福二年卒年三十一周敬娶宋帝女晉安公主

宋

羅彥瓊

按宋史羅彥瓊傳彥瓊并州太原人父全德晉泌州刺史彥瓊得補內殿直少帝在澶州欲命使宣慰大名府時河北契丹騎充斥遂募軍中驍勇士十人從行彥瓊備選衛校夜發往返如期繇是補典順指揮使擢護聖指揮使周初遷散員都虞候坐樞密使王浚黨出爲鄆州教練使世宗嗣位召爲件飲指揮使改馬步軍都軍頭從向訓收秦鳳有功遷散指揮都

虞候顯德末太祖自陳橋入歸公署見辛相范質等未及言彥瓊挺劍而前曰我輩無主今日須得天子質等由是降階聽命擢爲控鶴左廂都指揮使改內外馬軍都軍頭領眉州防禦使從平澤潞還命代趙彥徽爲侍衛步軍都指揮使領武信軍節度建隆二年出爲彰德軍節度乾德二年改安國軍節度移鎮華州開寶二年卒年四十七

羅濟

按十國春秋後蜀羅濟華陽人事後主厯官寧江軍都巡檢判官宋師陷夔州夔師高彥儔以符印投濟而死濟降宋累遷太常丞子處約有才思嘗作黃老先六經論人多重之

羅承之

按尚友錄承之巴州清化人功雄特好兵略乾德中文協率衆攻閬巴承之竭貲募兵擒文協太祖召見賜感義軍節度使兼知巴州曾孫士壽事其母以孝聞家產盡遺姪之孤者

羅處約

按宋史羅處約傳處約字思純益州華陽人唐昭更希夷之裔孫伯祖哀唐末爲諫官父濟仕蜀爲升朝官歸朝至太常丞處約登第爲臨渙主簿再遷大理評事知吳縣後召赴闕上自定題以試之以爲著作郎直史館賜緋魚受詔荆湖路巡撫欲以爲察立名所奏劾甚衆官吏多被黜責淳化三年卒時年三十三

羅居通

按宋史羅居通傳居通益州成都人母死廬墓三年

有甘露降墳樹芝草生其旁開寶四年長史以聞詔以居通爲延長主簿

羅或

按長汀縣志或太平興國二年登進士授大理評事歷知惠州所至有惠愛潭淵之役或以太子贊善扈從命與宰相寇準參機務乞歸里真宗嘉其勞特除諸路提點使

羅拯

按宋史羅拯傳拯字道濟祥符人第進士厯官知榮州秀州爲江西轉運判官提點福建刑獄泉州興化軍運轉運使改江淮發運副使轉爲使拯使閩時泉商黃謹往高麗館之禮賓省其王云自天聖後職貢絕欲命使與謹俱來至是拯以聞神宗許之遂遣金梯人貢高麗復通中國自茲始加天章閣待制居職七年徙知永興軍青頰秦三州卒年六十五拯性和柔不與人校曲直時論服其長者

羅尚友

按尚友錄尚友字明善萍鄉人少負俊才文章倚馬可待嘗謁閣門使蕭注令其賦詩有人問酒客策詩客天上文星與將星句後登進士第授武昌軍節度推官時李常以中丞爲帥每燕集必召尚友凡樂語詩詞皆即席而成因目爲席上才子

羅孟郊

按尚友錄孟郊與輩人生而穎異蚤喪父事母孝兒時牧牛長坡莊坐讀書有山人過奇之與語孟郊告以父喪貧示葬山人指示地遂從葬焉弱冠結廬羅嶺以學鄉中子弟從之孟郊指授篤至邑始多學者

按萬姓統譜志冲合州人潛心六經最精于易作解發明程氏爲多

羅茂衡

按萬姓統譜茂衡宋人山谷贈以詩云嗟來茂衡學道如登

羅孝芬

按尚友錄孝芬字廷揚平江人居側有大柿樹雷折之火燎其文成羅狀元字下有三點人莫能測明年孝芬舉甲科第三人始悟其兆云後擢吏部郎中靖康初致仕建畫錦橋秀野亭時人榮之

羅適

按尚友錄適字正之寧海人舉進士歷知五縣提點兩浙京西刑獄終朝散大夫有易說赤城集一百卷行於世

羅復

按萬姓統譜復銅陵人嘗知州城縣值靖康亂率吏民禦敵至傷肌體終不去職朝廷以忠義褒之

羅克先

按萬姓統譜克先字達甫知袁州事至立斷無留滯洞寇李元勵猖獗羽檄交馳克先靖以安之民不驚擾

羅義明

按延平府志義明有勇略建炎間鄰寇俞勝犯境率鄉兵禦之力戰不支父子俱死于難

羅烈

按萬姓統譜烈字子剛長汀人紹興初循州與寧令會郡盜出沒一日突入縣執烈去烈不爲動以理論

之賊不敢加害乃送還邑未幾賊黨又復合剽率民兵千餘直馳其壘大破之

羅長康

按萬姓統譜長康字偉正宜春人進士歷官寺丞出知永州迎其父以養因名州署之後堂曰戲綵待制胡寅記

羅泌

按尚友錄泌字長源廬陵人學問該博著有路史行於世

羅博文

按尚友錄博文字宗約沙縣人從學李延平得道學之傳尋以薦參議軍府政卒於嘉州官舍囊無餘賁有書數千帙而已同門朱熹狀其行

羅之紀

按尚友錄之紀字國張號筠心居士瑞陽人孝宗朝攝邑雲夢因見雪壓庭竹賦詩云吾道非邪且可恥此君豈是折腰人棄官歸遇方士授丹經修養法葺一室扁以子午靜逸成趣有易傳三卷文集二十卷

羅願

按宋史羅汝楫傳汝楫字願字端良博學好古法秦漢爲詞章高雅精鍊朱熹特稱重之有小集十卷爾雅翼二十卷知鄂州有治績以父故不敢入岳飛廟一日自念吾政善姑往祠之甫拜遽卒於像前人疑飛之憾不釋云

羅點

按宋史羅點傳點字春伯撫州崇仁人六歲能文登淳熙三年進士第授定江節度推官累遷校書郎歲

早詔求官點上封事遷秘書郎高宗崩孝宗在諒闇皇太子夢決庶務點時以戶部員外郎兼太子侍讀出使浙右遷起居舍人改太常少卿被命使金告登寶位會金有國喪追點易金幣點不可金人不能奪紹熙三年試兵部尚書五年四月上將幸玉津園點請先過重華上猶未行點乃率講官言之及壽皇不豫點又隨幸執班進諫闔門吏止之點叱之而入上拂衣起幸執引上榻點亟前泣奏內侍闔門衆慟哭而退壽皇崩點請上奔喪許而不出拜遺詔于重華宮前後與侍從列奏諫諸帝過宮者凡三十五疏自上奏者又十六章而奏疏重華上書嘉王及面對口奏不預焉宗嗣位人心始定拜點端明殿學士簽書樞密院事卒年四十五贈太保諡文恭

羅知古

按泉州府志知古字子隆晉江人開禧元年進士蚤遊郡校有文名居官以廉平稱仕終通判興化軍

羅必元

按宋史羅必元傳必元字亨父隆興進賢人嘉定十年進士調咸寧尉撫州司法參軍崇仁丞調福州觀察推官有勢家李遇奪民弱支園必元直之遇爲言官以私憾罷之知餘干縣淳祐中遇判贛州賈似道總領京湖剋剋至甚必元上疏以爲害國傷民命似道衛之改知江州爲御史丁大全按去後起幹行在糧料院度宗即位以直寶章閣兼宗學博士致仕卒年九十一必元學有淵源見理甚明風節甚高鄉人尊慕之

羅守成

按萬姓統譜守成紹定中知廉州愛民禮士百廢修舉築城壘創貢闈賑貧乏施藥劑力可到處靡不爲之郡人立祠祀焉

羅天酉

按尚友錄天酉字恭甫新昌人登開慶進士以格非心去非人對策忤丁大全擯外歷官知懷柔縣有惠政丁父憂有三釜爲親今莫及萬鍾於我復何加之句遂不起所著有柘岡文集

羅開禮

按武岡州志開禮教授端宗時元兵來侵開禮起兵勝之遂復未豐後死於陣

羅郭佐

按廣東通志郭佐石城人先世居汴祖廷玉以文學仕宋授石城簿因家焉宋季郭佐平海寇有功授朝列大夫化州路總管尋授廣州路總管督運廣東糧餉給海北軍士海上遇警罵賊而死

羅震

按廣東通志震廣州路總管郭佐之長子歷任敦武校尉化州路把總時郭佐督餉海上遇警震與父同事死於難

羅奇

按廣東通志奇郭佐次子震之弟襲化州路判官尋授奉政大夫雷州路同知奉檄討徭寇挺身殺賊爲賊所害

羅元珪

按廣東通志元珪奇之子父討徭寇爲賊所害元珪救父死之

欽定古今圖書集成明倫彙編氏族典

第二百十八卷目錄

羅姓部列傳一

元

羅璧

羅景莊

羅良

羅仕顯

羅明遠

羅長卿

羅惟遠

明

羅復仁

羅性

羅觀

羅承助

羅未燕

羅義

羅亨信

羅汝敬

羅通

羅綺

羅紳

羅琥

羅如塘

羅佛童

羅明
廣西
會事

羅璟

羅倫

羅明
甘肅
通鑑

羅珣

羅秉忠

羅璧

羅玘

羅循

羅賢

羅柔

羅欽順

羅僑

羅瓊

羅絡

羅璋

羅天祐

羅明
劍州
列官

羅洪先

羅鳳翔

羅汝芳

羅令居

羅大紘

羅喻義

羅世濟

羅一貫

羅袍

羅承富

羅承龍

羅萬葵

羅成功

羅器

羅洪元

羅于宁

羅國猷

羅得鴻

羅俊傑

羅澄

羅明祖

羅姓部藝文

題羅提刑宗譜序

明石簡

羅姓部紀事

羅景莊

元五年陞明威將軍管軍總管鎮金山居四年海盜
屏絕征鎮上海督過海舟六十艘兩月而畢十九年
用丞相伯顏言初通海道漕運抵直沽以達京城立
運糧萬戶三而以璧與朱清張瑄爲之乃皆部漕舟
由海洋抵楊村不數十日入京師進懷遠大將軍管
軍萬戶兼管海道運糧二十四年加昭勇大將軍二
十五年陞昭毅大將軍同知淮西道宣慰司事請兩
淮荒閒之田給貧民耕墾三年而後量收其入從之
歲得粟數十萬斛陞鎮國上將軍海北海南道宣慰
使都元帥大德三年除饒州路總管改廣東道宣慰
使都元帥除都水監改正奉大夫奉命括兩淮屯田
得疾歸鎮江而卒年六十六子坤載

按江西通志景莊萬安人應武舉爲參軍兵馬使從
會元裕追寇黃梅大捷改招討使謀都統鄒敗元戎
下果寇殄平進都頭行營驍騎將軍吉虔二州有警
遂授勳鎮撫

羅良

按長汀縣志良元至正間以平漳寇功授長汀尉陞
福建右承兼廣東道宣慰司都元帥時授資政大夫
進封晉國公陳有定有據閩之志良移書責之有定
怒攻漳良迎戰馬岐山死之其弟屯田萬戶羅三亦
罵賊死妻陳自盡于安賓將兵救父亦自刎壯士從
死者百餘人

羅仕顯

按廣東通志仕顯奇之孫襲武德將軍廉州路同知
至正間督戰船會高瓊廉等郡官兵期海寇戰死於